

Загъсчирин шуулт

КПСС-н ЦК-н болх Пленумиг болн Октябрин 42-ч өөниг ухтдж, Каспийск района «Вторая пятилетка» колхозин загъсчир загъс анънлгъна зурагъан саянар күүцэхэр социалистическ дөрлдä делгрүлдж йовцхана.

Гурвдгч кварталин зурагъан колхоз 115 процент күүцäv, дөрвдгч кварталин зурань 20 хонгин эргид 47 процент күүцäгдв. Джилин түрүн өр-äлд зура күүцäгдл уга үлдсн бийнь, ода джилä зурагъан 85 процентд күүцäчксн баянä. Үлдсн сармудт загъсчир седклән тавад, шунад көдлсн хөөн, ашнь му болх зөв уга.

Колхозин загъсна бригадмудас ставной шүүгүлин звенос түрүн йовцхана. Джилä зурагъар 5940 центнер загъс бәрхин ормд эн звеносин загъсчир 7397 центнер бәрв. Егоров Федорин звено джилä зурагъан октябрин 20-д 180 процент күүцäv, Ф. Докучаевин звено 175 процент, С. Дроздовин звено 195 процентд күүцäцхäv. Ставной шүүгүлин 12 звеногъас джилä зурагъан эс күүцäсн нег чигн звено уга.

Сүл цагт реюшкин бригад (бригадирнь үр Жигульский Александр) көдлмшин шумгъа үзмдж үзүлдж йовна. Загъс бәрлгъән тасрхан уга өөдлүлад, загъс анънлгъна өдрмүдән дигтägъар олзлг звено бас баянä. Үлгүрлхд, М. И. Черныхин звено гурвдгч кварталин зурагъан 192 процент күүцäчкв, дөрвдгч кварталин зурагъан болхла 20 хонгин дунд 130 процент күүцäv. Сән өдр күртл багъ гихдән 30 центнер загъс бәрхär эн звено ода зүткджәнä. Эдү мет сән үзмджилä йовх И. Масловин, М. Державинä, Н. Жабана, Ф. Докучаевин звенос баяцхәнä.

Загъсч колхозникүд авсн даалгъвран күүцэхэр улм зүткдж йовцхана.

А. ДОРДЖИ-ГАРЯЕВ.